
ФАРҒОНА ШАҲРИДА “БИЗНЕС МАРАФОН” БЎЛИБ ЎТМОҚДА

Ислом Каримов номидаги вилоят Театр-концерт саройида фарғоналик ёш тадбиркорлар ва соҳага қизиқувчилар учун бизнес ва муваффақият сирларини очиш мақсадида “Бизнес марафон” ташкил этилди.

Унда Ёшлар ишлари агентлиги директори Алишер Саъдуллаев, юртимиздаги таниқли тадбиркорлар ҳамда 1000 нафарга яқин ўғил-қизлар иштирок этишмоқда.

“Водий вилоятларида аҳоли зич жойлашган. Ер эса кам. Шу сабаб ёшларни келгусида яхши ҳаёт кечиришлари учун кўпроқ тадбиркорликка ўргатиш, уларнинг илм олишларига инвестиция киритиш керак. Ўғил-қизларда тажриба ва кўникмаларни мустаҳкамлаш лозим. Ана шунда кўзланган мақсадларга эришилади.

“Бизнес марафон”ларни энди доимий тарзда ташкил этиб боришга ҳаракат қиламиз”, - деди тадбир аввалида Ёшлар ишлари агентлиги директори Алишер Саъдуллаев.

Учрашувда Ҳасан ва Ҳусан Мамасаидов, Темур Адҳамов, Фируз Аллаев, Лазиз Адҳамов, Ҳикмат Абдурахмонов, Нигора Акилова каби тадбиркорлар ўз бизнесларини қандай бошлаганликлари, тажриба ва иш жараёнидаги вазиятлар ҳақида ёшларга сўзлаб беришди.

Шундан сўнг савол-жавоблар бошланди. Унда иштирокчилар ўз ғоя ва фикрларини, бизнес ишларидаги муаммоларини ўртага ташлаб, ишбилармонлар маслаҳатларини олишмоқда.

Бу, албатта, ўғил-қизларга мотивация бериб, уларнинг келажакда ўз лойиҳаларини муваффақиятли амалга оширишларида қўл келади.

Бизни ижтимоий тармоқларда кузатинг [Facebook](#),
2021-04-08 17:58:16